

39. ЕСЕПТІ КҮННЕН КЕЙІНГІ ОҚИҒАЛАР

Акцияларды шығару

2025 жылғы 9 қаңтарда Қор 8.117 миллион теңге сомаға номиналды құны 8.116.947 теңге болатын 1.000 акция шығарды, оны Акционер «Phystech II» АҚ жай акцияларының 100%-ын беру арқылы төледі.

2025 жылғы 14 ақпанда Қор 491 миллион теңге жалпы сомаға номиналды құны 491.267.000 теңге болатын 1 акция шығарды, оны Акционер «Акмолит»-ға ЖШС қатысу үлесінің 100%-ын, «Топаз-НС»-ға ЖШС қатысу үлесінің 100%-ын және «Мархит» ЖШС-ға қатысу үлесінің 100%-ын беру жолымен төледі. Алдағы уақытта Қор осы қатысу үлестерін ТКС ҰТК еншілес компаниясының жарғылық капиталына салым ретінде берді.

2025 жылғы 25 ақпанда Қор 243.931 миллион теңге жалпы сомаға номиналды құны 243.931.446 теңге болатын 1.000 акцияны бұрын алынған газбен жабдықтау объектілерінің есебіне шығарды. Алдағы уақытта, Қор осы газбен жабдықтау объектілерін QazaqGaz еншілес компаниясының жарғылық капиталына салым ретінде берді.

Алынған дивидендтер

2025 жылдың наурыз және сәуір айларында Топ Теңізшевройл ЖШС, «Азиялық газ құбыры» ЖШС және «Бейнеу-Шымкент Газ құбыры» ЖШС Бірлескен кәсіпорындарынан, сондай-ақ «Транстелеком» АҚ қауымдасқан компаниясынан 255 миллион АҚШ доллары (баламасы 128.222 миллион теңге), 80 миллиард теңге, 16 миллиард теңге және тиісінше 1.500 миллион теңге мөлшерінде дивидендтер алды.

Каспий құбыр консорциумы объектісіндегі оқиға

2025 жылғы 17 ақпанда Кропоткинская мұнай айдау станциясының халықаралық Каспий құбыр консорциумының азаматтық өнеркәсіптік объектісіне ұшақ үлгісіндегі ұшқышсыз ұшу аппараттары шабуыл жасады. Шабуыл нәтижесінде нысан зақымданды және пайдаланудан шығарылды. Қазіргі кезде Қазақстан Республикасынан мұнай айдау шектеусіз жүргізіледі.

Еншілес ұйымды сату

Топ 2025 жылғы 6 қаңтарда PIN Communication LLC пайдасына МТС жарғылық капиталындағы 100% қатысу үлесін шартты сыйақыны қоса алғанда, 1.100 миллион АҚШ доллары көлеміндегі тиісті құжатқа қол қою арқылы іске асыру жөніндегі мәмілені аяқтады және еншілес ұйымға бақылаудан айырылып қалды. 2025 жылғы 14 қаңтарда Топ осы іске асыру шарты бойынша 700 миллион доллар көлемінде алғашқы транш алды.

Сауда баждарын өзгерту

2025 жылдың сәуір айының басында АҚШ Президентінің Әкімшілігі Америка Құрама Штаттарына тауарларды импорттау үшін ауқымды сауда баждарын енгізгенін жариялады. Ең жоғары қосымша баждары бар елдер мен аумақтардың тізіміне Қытай, Вьетнам, Үндістан, Жапония және басқалар кірді. Топ бұл оқиғаны есепті кезеңнен кейінгі түзетпейтін оқиға ретінде қарастырады, әрі оның сандық әсерін ағымдағы сәтке жеткілікті болатындай сенімділікпен бағалау мүмкін емес. Қор оқиғалардың барысын бақылауды жалғастырады және егер бар болса, баждардың Топтың қаржылық жағдайына өзгеруі мүмкін әсерін бағалайды.

2-қосымша.

Қазақстан Республикасы Үкіметінің 2020 жылғы 29 желтоқсандағы №908 қаулысын орындау шеңберінде «Самұрық-Қазына» АҚ және оның еншілес ұйымдарының активтерін сатуға шығару барысы туралы есеп

ҚР Үкіметінің №908 қаулысына 2 және 5-қосымшаларға Қордың 30 активін бәсекелестік ортаға берілуге жатады.

Қазіргі уақытта 14 актив бойынша іс-шаралар аяқталды, оның ішінде 2024 жылғы есепте 6 актив бойынша:

«Эйр Астана» АҚ (бұдан әрі - ЭА)

- 2024 жылғы ақпанда ЭА IPO өтті. 1 жаңандық депозитарлық қолхат (бұдан әрі - ЖДҚ, 1 ЖДҚ = 4 акция) үшін баға 9,5 долларды, ал 1 жай акция үшін 1 073,83 теңгені құрады. Жалпы орналастыру көлемі шамамен \$370 млн болды. Мәміледен кейін бірден компаниядағы Қордың үлесі компанияның жалпы орналастырылған акцияларының 51%-дан 41%-ға дейін, ал BAE Systems PLC 49%-дан 15,3%-ға дейін төмендеді. Алайда, "Greenshoe" механизмін пайдалану кезеңі аяқталғаннан кейін BAE Systems PLC үлесін 16,95%-ға дейін арттырды. Осылайша, еркін айналымдағы акциялар көлемі қазіргі уақытта 42,05% құрайды.

«Qazaq Air» АҚ

- 2024 жылғы 24 желтоқсанда Қор, «Central Asia Aviation Holdings» ЖК және «Kazasia Holdings Limited» ЖК арасында 49% және 2% акцияларды сатып алу-сату шартына қол қойылды. Мәміле сомасы 49% және 2% акциялар үшін 980 млн теңге және 40 млн теңгені құрады. Бұдан басқа, Қор «Central Asia Aviation Holdings» ЖК Қорынан опциондық акцияларын (49%) сатып алу үшін белгілі бір критерийлерге сәйкес келетін заңды тұлғаны тағайындау құқығын беретін колл опционының келісіміне қол қойылды. Бұл ретте, сатып алу-сату шартына қол қойылған сәттен бастап 18 ай ішінде опциондық акциялар сатып алу-сату шартының бағасы бойынша (980 млн теңге), ал келесі 42 айда тәуелсіз консультант дайындайтын бағалау туралы өзекті есеп негізінде тараптар айқындайтын баға бойынша сатылатын болады.
- 2024 жылғы 27 желтоқсанда ҚР Үкіметі «Qazaq Air» акционерлік қоғамының акцияларын бәсекелестік ортаға берудің кейбір мәселелері туралы» Qazaq Air акцияларын Қордың қол қойылған транзакциялық құжаттар шарттарында 100%-ға дейін сатуы (иеліктен шығаруы) туралы қаулы қабылдады.

«Мобайл Телеком-Сервис» ЖШС

- 2024 жылғы 4 маусымда «Қазақтелеком» АҚ мен PIN Interconnect Ltd. арасында МТС жарғылық капиталындағы 100% қатысу үлесін сатып алуға қатысты сатып алу-сату шартына қол қойылды.
- 2024 жылғы 4 қарашада транзакциялық құжаттарға қосымша келісімдерге қол қоюды мақұлдау бойынша «Қазақтелеком» АҚ Директорлар кеңесінің отырысы өтті. 2024 жылғы 11 қарашада «Қазақтелеком» АҚ Директорлар кеңесінің қосымша отырысы өткізілді, онда сатып алу-сату шарты бойынша кейінге қалдыру талаптарын орындау мерзімдерін ұзарту мақұлданды. 2024 жылғы 12 қарашада мәміле тараптары катарлық инвестор тарапынан қаржыландырушы банктердің талабы бойынша транзакциялық құжаттарға қажетті қосымша келісімдерге қол қойды.
- 2024 жылғы 22 қарашада Қазақстан Республикасы Үкіметінің №996 қаулысымен «Қазақтелеком» АҚ МТС-тің 100% қатысу үлесін PIN Communication жауапкершілігі шектеулі серіктестігінің пайдасына жоғарыда аталған мәміле құжаттарының талаптары бойынша сатуы мақұлданды.
- 2024 жылғы 17 желтоқсанда Мемлекеттік комиссияның сырттай отырысында МТС сатудан түскен қаражатты республикалық бюджетке аудару мәселесі қаралды. 2024 жылғы 27 желтоқсанда Қор өз тарапынан дивидендтер төлеу арқылы республикалық бюджетке 177,9 млрд теңге бағыттады.
- 2025 жылдың 14 қаңтарында актив жаңа меншік иесіне қайта тіркелді. 2025 жылдың 16 қаңтарында бірінші транш бойынша 700 млн АҚШ доллары көлемінде төлем алынды.

«East Cooper» ЖШС (тікелей атаулы сату)

- 2024 жылғы 7 ақпанында «Қазгеология» АҚ мен «Standard Minerals» ЖШС арасында 1,15 млрд теңге сомасына «East Cooper» ЖШС жарғылық капиталындағы қатысу үлесінің 25%-ы сатып алу-сату шартына қол қойылды. 2024 жылғы 7 ақпанда «Қазгеология» АҚ мен «Standard Minerals» ЖШС арасында «East Cooper» ЖШС жарғылық капиталындағы қатысу үлесінің 25%-ын сатып алу-сату шартына қол қойылды.

«Silicon mining» ЖШС және «Tau-Ken Temir» ЖШС

- 2024 жылғы 31 мамырда «Тау-Кен Самұрық» ҰМК» АҚ мен Metaleen Investments Holdings LLC және TSP Alüminyum Anonim Şirketi құрамындағы консорциум арасында «Silicon mining» ЖШС және «Tau-Ken Temir» ЖШС жарғылық капиталындағы қатысу үлесінің 55%-ын сатып алу-сату шартына 4,91 млрд теңге сомаға қол қойылды.

3-қосымша. Ақпараттандыру және цифрландыру

Қордағы ақпараттық технологияларды автоматтандыру және цифрландыру бизнес-процестерді оңтайландыру, ашықтықты арттыру және оларды цифрлық ортада іске асыруға көшу мақсатында озық цифрлық шешімдерді енгізуге бағытталған. Бұл шаралар ақпаратты өңдеудің тиімділігін, дәлдігін және жылдамдығын едәуір жақсартуға ықпал етеді, бұл Қор қызметкерлерінің де, Қордың компаниялар тобының да өнімділігінің өсуіне тікелей әсер етеді.

2024 ЖЫЛЫ НЕ ІСТЕЛДІ:

Халықаралық ІТ өзара әрекеттесу бойынша кешенді жұмыс

Қорда ақпараттық технологиялар саласындағы халықаралық ынтымақтастықты нығайту бойынша кешенді жұмыс жүргізілді. Осы бағыт шеңберінде бірқатар жетекші халықаралық компаниялармен жұмыс кездесулері өтті, онда төмен орбиталық спутниктік байланыс (LEO), жасанды интеллект технологиялары және бұлтты платформалар негізінде шешімдерді қолдану талқыланды.

Бұдан басқа, Қордың портфельдік компанияларының қатысуымен көлік, энергетика, өндіруші сала және шалғай аумақтарды цифрландыру сияқты секторларда аталған технологияларды енгізудің практикалық сценарийлерін талдауға арналған салалық воркшоптар ұйымдастырылды.

Әлеуметтік әмиян

«Әлеуметтік әмиян» жобасы Мемлекет басшысының 2024 жылғы 2 қыркүйектегі «Әділ Қазақстан: заң және тәртіп, экономикалық өсу, қоғамдық оптимизм» жолдауында айтылған тапсырмаларын орындау мақсатында іске асырылуда.

Батыс Қазақстан облысы мен Шымкент қаласында «Әлеуметтік әмиян» пилоттық жобасы іске қосылды. Жобаның мақсаты атаулы әлеуметтік көмек (АӘК) және тұрғын үй көмегін (ТК) алушыларды қоса алғанда, халықтың әлеуметтік осал санаттары үшін тауарлық газға сараланған тарифтерді енгізу болып табылады.

Георезервтеу

Төтенше жағдайлар туындаған кезде тәуекелдерді басқару жүйесін жетілдіру шеңберінде маңызды деректер мен ақпараттық жүйелерді қорғауды қамтамасыз ету үшін "георезервтеу" әдісін қолдану тәсілі таңдалды. 2024 жылы георезервтеу жүйесін дамыту және жетілдіру жұмыстары жалғасты. Сыни жүйелерді қамтуды кеңейтуге, репликация процестерін оңтайландыруға және қалпына келтіру сценарийлерін жаңартуға ерекше назар аударылды. Аталған шараларды кешенді іске асыру кез келген сын-тегеуріндерге тиімді жауап бере алатын сенімді цифрлық контурды қалыптастырады және форс-мажор жағдайында да Қордың АТ-ландшафтының тұрақты жұмысына кепілдік береді.

Қор тобында жасанды интеллект элементтерін енгізу бағыты бойынша жұмыс

Қордың портфельдік компанияларында өндірістік және корпоративтік міндеттерді шешуге арналған жасанды интеллект технологиялары негізінде виртуалды ассистенттерді іске асыру бойынша жұмыстар басталды.

Қор тобында бұрын іске қосылған жобалар шеңберінде жасанды интеллект технологияларын дамыту және енгізу бойынша жүйелі жұмыс жалғастырылды. Зияткерлік шешімдерді іске асыру операциялық қызмет пен аналитикадан бастап ішкі сервистердің